

Arkivnr: 2018/9153-5
Saksbehandlar: Marit Silje Husabø, Sogn og Fjordane
Saksbehandlar: Anita Fjellheim, Hordaland

Saksframlegg**Saksgang**

Utval	Saknr.	Møtedato
Fellesnemnda		13.03.2019

Fylkestingsvalet 2019 - røystesetlar til listestillarane**Samandrag**

Fellesnemnda skal syta for å trykkja røystesetlar til bruk for valstyra ved fylkestingsvalet, både til førehandsrøystinga og til valtinget. Dei som stiller lister kan krevja å få trykt så mange røystesetlar til eige bruk som dei ønskjer for eiga rekning. Dette er fastsett i valforskrifta.

Før stortingsvalet i 2005 var det i Hordaland vanleg at fylkeskommunen dekkja kostnadene med trykking og falsing av lister for listestillarane, utan at det var sett tak på talet som vart dekkja. Frå og med stortingsvalet i 2005 har fylkesutvalet for kvart val fatta vedtak om kor mange røystesetlar/lister fylkeskommunen dekker kostnadsfritt for partia.

Talet som har vore vedteke for dei ulike vala er slik:

Stortingsvalet 2005	75.000 lister pr. parti
Fylkestingsvalet 2007	100.000 lister pr. parti
Stortingsvalet 2009	100.000 lister pr. parti
Fylkestingsvalet 2011	75.000 lister pr. parti
Stortingsvalet 2013	75.000 lister pr. parti
Fylkestingsvalet 2015	75.000 lister pr. parti
Stortingsvalet 2017	75.000 lister pr. parti

I Sogn og Fjordane har praksis alltid vore at kostnad med trykking av stemmesetlar til eige bruk vert dekkja av partia.

Det vert her lagt fram sak til drøfting om praksis som har vore ved dei siste vala i fylka skal følgjast ved fylkestingsvalet i år. Og kva tal eventuelt som skal setjast på lister pr.parti.

Saka vert lagt fram utan tilråding.

Rune Haugsdal
prosjektleiar

Saksframlegget er godkjent elektronisk og har derfor inga underskrift.

Bakgrunn for saka

Etter vallova § 7-1 nr. 1 skal fylkesvalstyret syta for å trykkja røystesetlar til fylkestingsvalet. Dette er røystesetlar til bruk for valstyra ved førehandsrøystinga og røystinga på valtinget. Kommunal- og moderniseringsdepartementet vil inngå rammeavtale på trykking av røystesetlar og Nye Vestland fylkeskommune vil nytte seg av den ordninga som departementet har vald. Innkjøp av scannerutstyr er gjort i samarbeid med Bergen kommune. Dette sidan kontrollteljinga vert gjort i Bergen kommune sine lokalar med det same scanningutstyret som Bergen kommune nyttar til si teljing.

Etter valforskrifta § 21 kan den tillitsvalde for den enkelte vallista for eiga rekning krevja å få det tal røystesetlar som vedkomande ønskjer. Krav om dette må setjast fram innan den fristen som valstyresmaktene set. Før stortingsvalet i 2005 var det i Hordaland vanleg at fylkeskommunen dekkja kostnadene med trykking og falsing av lister for listestillarane til vala utan at det var sett tak på talet som vart dekkja.

I Sogn og Fjordane har praksis alltid vore at kostnad med trykking av stemmesetlar til eige bruk vert dekkja av partia.

Ved Stortingsvalet 2013 bestilte fem parti til saman 18 000 stemmesetlar.

Ved fylkestingsvalet 2015 bestilte fire parti til saman 58 000 stemmesetlar.

Ved Stortingsvalet 2017 bestilte eitt parti 2000 stemmesetlar.

I Hordaland har fylkesutvalet frå og med stortingsvalet i 2005 fatta vedtak om kor mange røystesetlar/lister fylkeskommunen dekker for partia.

Fylkesutvalet sine vedtak om kostnadsfrie røystesetlar/lister til partia er slik:

Stortingsvalet 2005	75.000 lister pr. parti
Fylkestingsvalet 2007	100.000 lister pr. parti
Stortingsvalet 2009	100.000 lister pr. parti
Fylkestingsvalet 2011	75.000 lister pr. parti
Stortingsvalet 2013	75.000 lister pr. parti
Fylkestingsvalet 2015	75.000 lister pr. parti
Stortingsvalet 2017	75 000 lister pr. parti

Listestillarane hadde høve til å tinga kor mykje ein ønskte, men måtte betale for det som var over talet som fylkeskommunen hadde fastsett.

Tingingane frå listestillarane i Hordaland ved tidlegare val:

	Fylkestingsvalet 2011	Stortingsvalet 2013	Fylkestingsvalet 2015	Stortingsvalet 2017
Demokratene i Norge	5.000	25.000	6.000	50.000
Partiet De Kristne	-	75.000	75.000	75.000
Arbeiderpartiet	75.000	75.000	75.000	75.000
Feministisk Initiativ			15.000	5.000
Fremskrittspartiet	75.000	75.000	75.000	75.000
Høyre	40.000	75.000	75.000	75.000
Kristeleg Folkeparti	75.000	75.000	75.000	20.000
Kristent Samlingsparti	2.000	-	-	
Kystpartiet	0	75.000	15.000	20.000
Miljøpartiet dei Grøne	75.000	75.000	75.000	75.000

Noregs Kommunistiske Parti	10.000	20.000	-	
Pensjonistpartiet	5.000	5.000	500	
Piratpartiet	-	30.000	-	10.000
Rødt	50.000	20.000	15.000	30.000
Sosialistisk Venstreparti	20.000	5.000	25.000	30.000
Senterpartiet	75.000	50.000	75.000	5.000
Venstre	75.000	20.000	25.000	15.000
Liberalistene				75.000
Helsepartiet				10.000
Alliansen				25.000
Sum bestilling	612.000	775.000	626.500	670.000

Av dette ser ein at tingingane er blitt redusert ved dei siste vala, og at det vert tinga fleire røystesetlar til stortingsvala enn til fylkestingsvala.

Den totale mengda røystesetlar til fylkestingsvalet 2015 var i Hordaland 3 564 000 røystesetlar. Bestillinga til partia utgjør ca.20% av denne mengda.

Kostnadene i Hordaland for totalleveranse av lister til fylkestingsvalet 2015 var ca. kr. 1.012.000,- eks.mva, for trykking og falsing og distribusjon av lister til valstyra i kommunane, dei vidaregåande skulane og listestillarane. Ved fylkestingsvalet 2015 utgjorde kostnadane med stemmesetlar til listestillarane ca. kr. 178.000,- eks.mva. Denne summen inkluderer kostnader til distribusjon/frakt av setlane.

Den totale mengda røystesetlar til fylkestingsvalet 2015 var i Sogn og Fjordane 841.500 røystesetlar.

Kommunal- og moderniseringsdepartementet vil inngå rammeavtale med trykkeri for trykking og distribusjon av røystesetlar for valet 2019. Alle kommunar og fylkeskommunar som skal skanne røystesetlar vert anbefalt å gjere avrop på rammeavtala. Departementet vil kunngjere rammeavtala og avrop vil skje i løpet av april. Nye Vestland fylkeskommune vil følgje anbefalinga og gjere avrop på rammeavtala til departementet. Ein kan derfor ikkje seie noko spesifikt om kostnadar, men ein må anta at kostnadane vert lik førre val, med ein vanleg prisauke.

Når det gjeld skulevala finn prosjektleiar det pedagogisk riktig å nytta same røystesetlar som ved det ordinære valet, og vil leggja opp til å følgja den praksis som har vore. Det er her også tale om mindre kostnader.

Til skulevala vart det ved stortingsvalet 2017 tinga 35.000 røystesetlar i Hordaland og 16.500 i Sogn og Fjordane.

Saka vert lagt fram for fellesnemnda for drøfting av kva fylkeskommunen skal følgja av ordning ved fylkestingsvalet 2019.